



IV НАУЧНО-ПРАКТИЧЕСКИЙ КОНГРЕСС АЛЛЕРГОЛОГОВ
КЛИНИЧЕСКИХ ИММУНОЛОГОВ С МЕЖДУНАРОДНЫМ УЧАСТИЕМ

«АЛЛЕРГИЧЕСКИЕ ЗАБОЛЕВАНИЯ – ВОПРОСЫ ДЛЯ ОБСУЖДЕНИЯ»

22-23 ОКТЯБРЯ 2024 г.

СБОРНИК

ТЕЗИСОВ И СТАТЕЙ

ЎПКАНИ СУРУНКАЛИ ОБСТРУКТИВ КАСАЛЛИГИ АРТЕРИАЛ ГИПЕРТЕНЗИЯ БИЛАН КЕЧГАНДА ХАВФ ОМИЛЛАРИНИ УЧРАШИ

Гадаев А.Г., Халимова Х.Х.

Ўзбекистон, Тошкент тиббиёт академияси

Ўпкани сурункали обструктив касаллиги (ЎСОК) ва юрак қон томир патологиялари аҳоли орасида кенг тарқалган ва аксарият ҳолатларда коморбидликда кечадиган касалликлар гуруҳига киради. Кўп тадқиқотларда ЎСОК да юрак қон томир патологияларининг бирга келиши умумий популяцияга нисбатан аниқланган. Ўтказилган йирик метатаҳлилда ЎСОК мавжуд беморларда у бўлмаганларга нисбатан юрак қон томир патологиялари 2 маротаба кўп аниқланган ва ишонч интервали 2,02 – 3,00 га тенг бўлган (1, 5).

Ўпкани сурункали обструктив касаллиги артериал гипертензия билан бирга келганда хавф омиллари, коморбид ҳолатлар буйраклар дисфункциясини эрта ташхислаш етарли даражада ўрганилмаган ва ҳозирги кунда долзарб муаммолардан ҳисобланади. Ушбу мақолада ўпкани сурункали обструктив касаллигини артериал гипертензия билан бирга келганда буйраклар дисфункциясида беморлар жинси, ёши, касаллик давомийлиги, чекувчилар, ёндош касалликлар, қондаги креатинин, протеинуриянинг аҳамияти аниқланди.

Тадқиқот мақсади. Ўпкани сурункали обструктив касаллиги артериал гипертензия билан коморбидликда кечганда буйраклар дисфункциясини эрта ташхислашда хавф омилларини ўрганиш.


Материал ва услублар. Ўпкани сурункали обструктив касаллиги билан касалланган беморлар бўйича илмий тадқиқот ишлари Тошкент тиббиёт Академияси кўп тармоқли клиникасининг пульмонология бўлимида 2020-2023 йилларда шифохонада даволанган 27 ёшдан 86 ёшгача бўлган 330 нафар ЎСОК билан хасталанган беморларнинг касаллик тарихи бўйича ретроспектив тахлили ўтказилди. Шундан 181 (54,8%) нафар беморларда артериал гипертензия кузатилган, 149 (45,1%) нафарида кузатилмади. Асосий гуруҳдаги ЎСОК артериал гипертензия кузатилган беморларнинг 137 (79,6 ± 3,4%) нафари эркакларни ва 44 (28,0 ± 4,5%) нафар аёлларни ташкил этди. Беморларнинг ўртача ёши 68,3 ± 0,72 йилни (эркаклар ўртача ёши – 69,3 ± 0,70 йил, аёлларники – 65,4 ± 0,76 йил), касаллик давомийлиги ўртача 14,3 ± 1,08 ташкил этди. Беморлар 2 та гуруҳга ажратилди. Биринчи асосий гуруҳ артериал гипертензия мавжуд бўлган 181 та (54,8%) беморларни, иккинчи гуруҳ артериал гипертензия кузатилмаган назорат гуруҳидаги 149 та (45,1%) беморларни ташкил этди.

Тадқиқот натижалари. Текширишлар натижасида, ЎСОК артериал гипертензия билан келган биринчи гуруҳдаги беморларни жинси бўйича таққослаганимизда, эркаклар 72,9%, аёллар 27% ни, фақат ЎСОК билан хасталанган иккинчи гуруҳдаги беморларда эса, мос равишда 69,7% ва 30,2% ни ташкил этди. Зарарли одатлари (сигарет чекиши) бўйича тахлил қилганимизда эса, биринчи гуруҳда 59,1% ни, иккинчи гуруҳда 52,1% аниқланди. Жумладан, биринчи гуруҳдаги беморларда касаллик давомийлигини, юрак ишемик касаллиги, анемия, қандли диабет касалликлари, қон таркибидаги креатинин, протеинурия ишончли даражада кўпчиликти ташкил этганлиги аниқланди.

Тадқиқот хулосаси. Ўпкани сурункали обструктив касаллиги артериал гипертензия билан кечганда буйраклар дисфункциясини ўрганишда, креатинин ва протеинурия билан бирга, эркак жинсдаги беморлар, чекувчилар, касаллик давомийлиги ва ёндош касалликларнинг боғлиқлиги аниқланди.

СПОНСОРЫ IV-ОГО НАУЧНО-ПРАКТИЧЕСКОГО КОНГРЕССА
АЛЛЕРГОЛОГОВ – КЛИНИЧЕСКИХ ИММУНОЛОГОВ С МЕЖДУНАРОДНЫМ УЧАСТИЕМ

«АЛЛЕРГИЧЕСКИЕ ЗАБОЛЕВАНИЯ – ВОПРОСЫ ДЛЯ ОБСУЖДЕНИЯ»



МЕДЗНАНИЯ⁺
УЗБЕКИСТАН

2024 г.

